



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 388. An & qualiter puniantur.

[urn:nbn:de:hbz:466:1-73982](#)

Ques. 386. Quid juris sit in casu commisso collusionis?

Resp. Si reus interveniente collusione absulatus fuit per sententiam, potest denuo accusari, & inquiri contra illum, dum de collusione constat. Arg. c. fin. b. t. & L. pravaricationis. §. 1. ff. de pravar. juncta L. 11. de accusat. idque, tum ne delicta maneat impunita L. 35. de sent. excom. tum ne reus ex sua malitia referat commodum. contra L. 1. ff. de dolo. His non obstante, quod Sententia Iudicis absolutoria ita tollat crimen, ut de eo queri non possit amplius. arg. L. si cui. §. 2. &c. de his. ff. de accus. nam sententia lata per collusionem non est nulla, habetque se, acsi lata non fuisset. L. cum non. ff. b. t. L. preses. c. de pignor. Si vero commissa collusio seu tergiversatio accusatore criminali ab accusatione desistente, potest, imo debet Iudex ex officio inquirere & procedere. Arg. c. 1. & 2. b. t. ne delicta jam semel publicata maneat impunita. cit. c. ut fama de sent. excom. & L. ita Vulneratus. ff. ad legem Aquil. Ac denique si reus accusatorem vel Advocatum induxit, ut secum colluderet, haberetur pro victo. L. fin. b. t. & Sententia absolutoria rescinditur. L. 3. §. 1. ff. b. t. nisi sit causa sanguinis. L. 1. ff. qui bona eorum, qui ante Sent.

Ques. 387. Quænam sit pena collusionis?

Resp. Primo: Præterquam quod poena collusionis seu prævaricationis (intellige proprietas) sit arbitria, seu extraordinaria pro diversitate circumstantiarum, juxta L. sciendum. ff. de pravaric. juncta L. 1. §. si quis. & L. 3. ff. ad S. C. Tarpill, poenam infamie in specie incurrit prævaricator. L. si is. ff. de pravaricat. L. 1. ff. qui not. infam. & ab accusandi munere aceretur. L. 5. ff. b. t. Menoch. de arb. cas. 323. n. 12. Lauterb. ad ff. tit. de pravaricat. §. 3. Item propriè talis convictus

TITULUS XXIII.

De Delictis Puerorum.

Ques. 388. An & qualiter puniantur?

Resp. Primo: infantes, id est, pueri, qui nondum septimum ætatis annum compleverunt, excusari à delictis, pœnisque iis statutis per leges, cum doli capaces non sint, & quid agant, ignorent. L. sedes. ff. ad leg. Aquil. L. infans. ff. ad leg. Cornel. de Sicar. Clem. unic. de homicid. Idem dicendum propter eandem rationem de pueris infantibz proximis, id est, leptennium non multum excedentibus, Farin. in pr. Crim. p. 3. q. 92. n. 46. Carpz. pr. crim. p. 3. q. 143. n. 130.

2. Resp. Secundò: Pueri propriè tales (quales sunt, qui infantiam, hoc est annum ætatis septimum, egressi, L. in Sponsalibus, ff. de Sponsal. nondum tamen annos pubertatis, hoc est, annum 14. si mares sunt, aut annum 12. si feminae, impleruntur. Farin. l.c. num. 6. Zaccarias. q. medico. legal. L. 1. tit. 1. q. 4. num. 11.) si pubertati propinquiores doli capaces (quod Judici arbitrandum ex circumstantiis relinquitur, cum alios alii maturius iudicio pollere contingat) patrantes crimen commissionis, v.g. furum, mendacum, perjurium, homicidium &c., eti criminaliter puniri possint, maturius tamen puniendi, c. 1. b. t. ita ut, si crimen

R. P. Leur. Jur. Can. Lib. V.

de se sit capitale, ultimo supplicio affici non possint, aut etiam torqueri. L. 1. §. 33. ff. ad S. C. Silan. eo quod ob defectum judicii minus malitiosè & dolosè delinquere presumantur. Arg. L. fere in omnibus. ff. de Reg. Jur. quamvis, ut Farin. Tom. 3. de pen. temperand. q. 92. Arg. L. excipiuntur. ff. ad S. C. Silan. & Confit. Caroli V. a. 164. si tales crimina proflus enormia committant, nec spes sit emendationis ultimo supplicio affici queant, quod ipsum ad crimen læsa Majestatis ab iis commissum extedit Decian. apud Farin. l.c. n. 107. sed neque pueri tales puellæque pubertati propinquui, eam tamen necdum consecuti, licet ad copulam carnalem ordinari apti non sint, adeoque fornicationes, adulteria, similiaque vita carnis non commisssse, corrumque pœnas incurrisse presumantur. Arg. L. licet minor. ff. & L. si adulterium. §. 4. ff. ad leg. Jul. de adulterio. ab iis tamen absolue & universaliter loquendo absolvendi non sunt, cum quandoque, malitiâ supplente ætatem, ad id apti reperiatur pueri puellæque, c. de illis. de defonsat impub. &c. fin. de eo qui consang. ac proinde, dum de tali eorum aptitudine constat, dictis delictis tenebuntur quamvis mitiore quam puberes pœnâ propterea afficiendi. Farin. l.c. num. 93.

Ee

3. Resp.

3. Resp. Tertiò: Pubertatem consecuti, minores tamen adhuc 25. annis ob delicta commissionis, eti pœna ordinariā plecti possint, Arg. L. si ex causa. ff. de minorib. & L. auxilium. §. 1. ff. eod. regulariter tamen loquendo, & nisi alia delictum aggravantia concurrant, à Judice mitius puniri possunt, ac debent, quam̄ majores. Arg. L. auxilium. ff. de minor. L. fere in omnib. ff. de Reg. Jur. Fatin. l. c. num. 41. Clat. §. fin. q. 60. num. 3. Dicitur tamen hic & præced. resp. ob crimina commissionis, quia ob peccata omissionis, quia consistunt in non faciendo, non solum pueri proximi pubertati, sed etiam puberes, minores tamen, à pœnis criminalibus sunt immunes. Fatin. l. c. num. 69. & 722. Reiffenst. b. t. num. 6. Wiesl. num. 9. Arg. L. licet. C. si advers. delict. & L. minorib. C. de his qui ut indigni. ex ea ratione, quid imprudentia potius omisſisse debita præsumuntur & sic intret regulacit. L. fere in omnibus, nisi tamen probetur in omissione intervenisse dolum; tunc enim non omnino eximuntur à pœnis, ut constat ex L. excipiuntur. ff. ad S. C. Silan.

Quæst. 389. Num pater teneatur ex delicto filii pubertati proximi aut minoris?

R Esp. Pater, qui delicti talis non particeps, aut in

fili correcione negligens non fuit, non tenetur exinde ad multam pecuniariam, ad quam filius talis condemnatur, solvendam ex legitima, aut almentis filio debitis. c. referente. b. t. & ibi Abb. n. 3. Barb. num. 9. Manzius de legitima, q. 15. num. 10. Covar. L. 15. Var. c. 8. num. 7. Pith. b. t. num. 6. Wiesl. num. 10. nam generaliter loquendo nemo aliena culpæ fit succedaneus, juxta L. crimen. ff. & L. sancimus. C. de panis. & specialiter patrem pro filio non convenientem, pater ex L. 1. C. ne filius pro patre. nisi pater ex filii delicto factus locupletior. L. licet. §. ex furiva. ff. de peculio. Ad hæc vivente patre legitima non potest separari à bonis. L. 1. §. impubere. ff. de collat. bonor. & quamvis pater teneatur filium alere, & tamen alienum pro eo solvere non tenetur. L. si quis. §. si mater. ff. de liber. agnosc. Unde jam, si filius minor delinquens non habeat, unde solvit pœnam pecuniariam, aliter quam multâ pecuniatiâ plectendus, ut peccatum suum teneat auctorem. c. quæsivit. de his, qua à maiore. His non obstante statuto vel consuetudine contraria, utpote quæ cum degenere filio patrem spoliandi facultibus suis licentiam concedit, recte ratione non satis consentanea videtur. Menoch. conf. 100. n. 119. Barb. l. c. num. 8. Harprecht. in §. fin. Inst. de noxal. act. v. 12.

TITULUS XXIV.

De Clerico Venatore.

Quæst. 390. Quotuplex sit Venatio, & quæ prohibita Clericis?

1. Esp. Ad Primum: Venatio trifariam dividitur à Sylv. v. venatio. in oppres-
sivam, sic dictam, quia homines per
eam injustè gravantur, & quasi oppri-
muntur; Arenariam, quæ cum bestiis in arena de-
certando exercetur; & Saltuosam, quæ etiam silvatica dicitur, quæ ad ferarum & volucrum captionem ordinatur, estque venatio propriè dicta, subdividiturque in clamosam, quæ magnoretium, canum, accipitrum apparatu tumultuque & vehementia apres, cervos, aliasque majores feras, & quandoque etiam aves capiendo exercetur; & in quietam, quæ sine strepitu, laqueis, retibus & paucis etiam canibus exercetur. Pith. b. t. num. 3.

2. Resp. Ad Secundum: Imprimis venationem oppressivam omnibus interdictam nemo negat. can.
& §. fin. disp. 6. Arenaria, præterquam quod illicta quoque sit, infamiam inducit, si cum quæstu exerceatur, L. 1. ff. de postulando. Sylvatica etiam venatio, si clamosa, est clericis ac præsertim religiosis severè prohibita. c. fin. Clem. I. §. porro. de statu monachor. Trid. Seff. 24. c. 12. de reform. & quidem ob eandem sepius exercitam Episcopi tribus, presbyteri duobus mensibus à communione arcentur. Diaconi ab officio suspendi jubentur, c. 1. b. t. uti & Subdiaconi, ut Gl. fin. in cit. c. 1. Clerici verò minores arbitriâ pœna puniendi, ut Host. in Sum. num. 4. Medices l. c. num. 8. & 9. Anchor. &c. ratio hujus prohibitionis est, tum quia talis venatio tumultuosa & clamosa ob feritatem cædētque ferarum referens quandam speciem bellum, & hinc à morum gravitate, humanitatè & modeſtia aliena, valde dedecet statum clericalem; tum

quia per eam à divinis officiis & spiritualibus occupationibus mentem curasque, à Clericis & Religiosis Deo debitas, ferè omnes avocet, & ad investigandas capiendasque feras traducat, exiguo aut vix ullo tempore occupationibus suo statui propriis relitto. Ita in cit. c. 1. b. t. num. 7. Gonzal. Medices l. c. q. 8. à num. 2. plures hujus prohibitions coacervans. Quod verò gravior Episcopis, quam inferioris Clericis ob exercitam eandem venationem irrogetur pœna; cum tamen alijs juxta c. pastoralis. de offic. deleg. & L. Sacileg. ff. ad legem Jul. peculat. in infligendis pœnis majoris nobilitatis & dignitatis habenda sit ratio major, inde est, quod major dignitas in hoc casu magis augeat delictum, crescente autem delicto ex maiore dignitate delinquentis, hæc non minuat, sed augeat pœnam. Tiraquel, de pœn. temperand. cas. 37. De cætero

3. Resp. Tertiò: Venatio quieta utilitatis aut corporalis necessitatis, vel honestæ recreationis causâ & rariùs instituta ad capiendos lepores, vulpes, similisque feras minores personis ecclesiasticis non est interdicta. Gl. in eit. c. 1. v. voluptate, Abb. ibid. n. 1. Host. & Barb. ibid. num. 2. Sylv. v. venatio. Bellott. disp. Clerical. p. 1. tit. de disp. Cler. §. 19. Pith. b. t. num. 3. cum communi. Somit satis patenter à contrario ex Trid. l. c. estque ratio, quod talis venatio ex se sit actus seu res omnino indifferens, & iure naturali permitta, & consequenter debiti temporis, modi, finis, aliarumque circumstantiarum habita ratione, & seclusa lege positiva, etiam Clericis licita. Wiesl. num. 4. accedit consuetudo, optima legum interpres, quæ constat istiusmodi venationem passim ad doctis & timoratis Clerico reputari licitam & exerceri sine scrupulo.

TITU-